

ხელშეკრულება

ქონების უსასყიდლოდ საკუთრებაში გადაცემის

(ჩუქების) შესახებ

ქ. ქუთაისი

30.07.2018 წელი

ერთის მხრივ, ა(ა)იპ. „ასოციაცია ატუ“ (შემდგომში „მჩუქებელი“) 18.06.2018წ. N380/04/52 წერილის საფუძველზე, რომელიც წარმოდგენილია ა(ა)იპ. „ასოციაცია ატუ“-ს გამგეობის თავმჯდომარის როსტომ ჩაბრადის (პ/ნ 38001009653) სახით და მეორეს მხრივ, სახელმწიფო, სსიპ სახელმწიფო ქონების ეროვნული სააგენტო (შემდგომში „დასაჩუქრებელი“), რომელიც წარმოდგენილია სსიპ სახელმწიფო ქონების ეროვნული სააგენტოს იმერეთ-რაჭა-ლეჩხუმი-ქვემო სვანეთის მომსახურების ცენტრის უფროსი სპეციალისტის დარეჯან ხუჯაძის (პ/ნ 60001047713) სახით (სსიპ სახელმწიფო ქონების ეროვნული სააგენტოს მიერ 20.07.2018წ. №13/41139 გაცემული მინდობილობა) სახით შემდგომში ყველანი ერთად მოხსენიებულნი „მხარეებად“, ვმოქმედებთ რა, საქართველოს სამოქალაქო კოდექსის, „სახელმწიფო ქონების შესახებ“ საქართველოს კანონისა და „საჯარო სამართლის იურიდიული პირის – სახელმწიფო ქონების ეროვნული სააგენტოს დებულების დამტკიცების შესახებ“ საქართველოს მთავრობის 2012 წლის 17 სექტემბრის N391 დადგენილებაში ცვლილების შეტანის თაობაზე“ საქართველოს მთავრობის 2014 წლის 13 თებერვლის №152 დადგენილების საფუძველზე, ვაფორმებთ წინამდებარე ხელშეკრულებას (შემდგომში „ხელშეკრულება“).

„მხარეები“ თანხმდებიან შემდეგზე:

მუხლი 1. ხელშეკრულების საგანი

„მჩუქებელმა“, ა(ა)იპ. „ასოციაცია ატუ“-მ გადასცა, ხოლო „დასაჩუქრებელმა“, სსიპ „სახელმწიფო ქონების ეროვნულმა სააგენტომ“, უსასყიდლოდ, სახელმწიფოს საკუთრების უფლებით, მიიღო ა(ა)იპ. „ასოციაცია ატუ“-ს საკუთრებაში არსებული უძრავი ქონება.

1.1 „დასაჩუქრებელი“ საკუთრებაში იღებს:

- ქ. საჩხერეში, ივანე გომართელის ქ. N17-ში (სოფელი სხვიტორის ტერიტორია) მდებარე 6414.0 კვმ. არასასოფლო-სამეურნეო დანიშნულების მიწის ნაკვეთზე (ს/კ. N35.02.57.051) განთავსებული საჩხერის სამედიცინო ცენტრის ადმინისტრაციულ შენობას - ღირებულება შეადგენს 5 024 461 ლარს. არქივის შენობას - ღირებულება შეადგენს 24 575 ლარს. გამშვები პუნქტის შენობას - ღირებულება შეადგენს 12 862 ლარს.

1.2 „ქონებაზე“ „მჩუქებლის“ საკუთრების უფლება დასტურდება სსიპ „საჯარო რეესტრის ეროვნული სააგენტოს“ მიერ გაცემული ამონაწერებით.

მუხლი 2. მხარეთა უფლება და მოვალეობა

2.1. „მჩუქებელი“ ადასტურებს, რომ ქონებას არ აქვს დაფარული ნაკლო.

მუხლი 3. ხელშეკრულების საგნის გადაცემის დრო და ხელშეკრულების პირობა

3.1. „დასაჩუქრებელი“ ვალდებულია დაარეგისტროს „ქონებაზე“ საკუთრების უფლება და გაწიოს შესაბამისი ხარჯები (ასეთის არსებობის შემთხვევაში).

3.2. „ქონება“ „დასაჩუქრებელს“ საკუთრებაში და მფლობელობაში გადაეცემა „ხელშეკრულების“ საჯარო რეესტრში რეგისტრაციის მომენტიდან.

მუხლი 4. მარეგულირებელი კანონმდებლობა და დავების გადაწყვეტა

4.1. „ხელშეკრულება“ რეგულირდება და განიმარტება საქართველოს კანონმდებლობის შესაბამისად.



4.2. „მხარეთა“ შორის დავის არსებობის შემთხვევაში, სადავო საკითხი წყდება „მხარეთა“ შეთანხმებით. შეთანხმების მიუღწევლობის შემთხვევაში, დავას წყვეტს საქართველოს საერთო სასამართლოები საქართველოს კანონმდებლობის შესაბამისად.

მუხლი 5. დასკვნითი დებულებანი

- 5.1. „ხელშეკრულება“ ძალაში შედის მხარეების მიერ მისი ხელმოწერის მომენტიდან და ძალაშია ქონების „დასაჩუქრებულის“ საკუთრებაში გადაცემამდე.
- 5.2. „ხელშეკრულების“ შემდგომი ცვლილება და დამატება შესაძლებელია ნებისმიერ დროს მხარეთა წერილობითი შეთანხმების საფუძველზე.
- 5.3. „ხელშეკრულების“ ნებისმიერი სახის ცვლილება, დამატება და დანართი წარმოადგენს „ხელშეკრულების“ განუყოფელ ნაწილს. მისთვის დაცული უნდა იყოს იგივე ფორმა, რაც გათვალისწინებულია „ხელშეკრულებისთვის“.
- 5.4. „ხელშეკრულება“ შედგენილია ქართულ ენაზე ოთხ ეგზემპლარად, რომლებიც გადაეცემა „მხარეებს“ და სსიპ - საჯარო რეესტრის ეროვნულ სააგენტოს. თითოეულ მათგანს თანაბარი იურიდიული ძალა აქვს. თითოეულ მხარესთან ინახება ხელშეკრულების ერთი ეგზემპლარი.

მუხლი 6. მხარეთა მისამართები და ხელმოწერები.

„მწუქებელი“

ა(ა)იპ „ასოციაცია ატუ“-ს

წარმომადგენელი

„დასაჩუქრებული“

სსიპ - სახელმწიფო ქონების ეროვნული სააგენტო

იმერეთ-რაჭა-ლეჩხუმი-ქვემო სვანეთის

მომსახურების ცენტრის უფროსი სპეციალისტი

როსტომ ჩაბრაძე



დ. ხუჭაძე

დარეჯან ხუჯაძე

